

РУСКИ НОВИНИ

ЗА РУСИНОХ У КРАЉОВИНИ СХС

Рок IV.

Нови Сад, пятък 25. фебруар 1927.

Ч. 8 (115)

Виходза раз у тижню.

Цена на цали рок 100 Динари.

На 1/2 рока 50 Динари.

За Америку 4 долари на рок

Рукописи и други писма треба
посилац на адресу:

„РУСКИ НОВИНИ“ НОВИ САД
Бојовићева улица број 2.

Претплату на РУСКЕ-НАРОДНЕ
ПРОСВИТНЕ ДРУЖТВО, РУСКИ
КРСТУР (Бачка).

Презадлуженосц земледілцох

Кед сцеме лічиц даяке зло, теди мушине найперше упознац причини, зос котрих зло вишло. Презадлуженосц наших земледілцох вельке зло и ми указали у прешлим числу на два таки причину: неправедни, превельки порції и заосталосц у обрабляню жеми. Не лем, же нашо земледілство не крача еднок зос земледілством напреднейших жемах, але наш параст и тото, цо зароби, цо ма, незна предац як треба. Нашим земледілцом хиби організація. Чом жито вшині туньше як на яр? Прето бо параст ма теди жито у своїм гамбаре а кажди го мало по мало предава торговцом уж кельо му треба, лебо го вивожує „на цену“. Так ше до яри уж випражні газдовски гамбар а напони торговски магазин. Параст медзи собу не организовани, само на свою руку жито предаваю як хто сце, але торговци су организовани, и кед уж вони долапели жито теди го предаваю цо найвещей можу. Кельо уж ту страцел земледілец, же не предал жито як треба, и же не бул организовани. А цо повеме зглядом других торговцох. Вони шицки организовани и не пуцаю так легко цени своєї роби па прето видземе, же цени

нічому иншому не спадли лем тому цо ма земледілец. Розуми ше вец, же параст муши спаднуц до длуства, кед сце намириц своєю потреби.

Але найвекша ище причина презадлуженосци ест роскош, котра ше уцагує медзи земледілцох. Под час свитовой войны хлопи були по швец, по вельких варошох и видзели койцо — вецей недоброго як доброго —. Гу нїм ходзели и жени а и їм не були очи тиж завязани. По войны пришли дому, але принесли зос собу тото недобре, цо видзели.

Сце ше лепше есц, вецей пиц и красше облекац, бо кед хлоп „видзел вельо швета“. Жени треба гадвабни хустки и ботоши, плишово рекли и лагово ципели, гу томе фарбидла и билідла, а цо и кельо ше купує дзвизком на оддай и як ше правя свадзби о тим а нї не споминам. И у тим несце еден заостац за другим. Дабоме. хто не могучни, муши жичац. А не мало би. то буц и без тей роскоши? Цигурно, же гей, бо нашо стари дідове дали нам иншаки приклад. При їх не було роскоши, не було мойди, але богобойносц, трежбносц, роботносц и прето вони були задовольнейши, и лепши. Будзме и ми таки!

симовича требало тужиц и за гевги насилія при вельких виберанкох а не лем за тоті тезаз, але Радичевци, кед були на власци сами виявели, же п. Максимович добре поступел, а тезаз го тужа.

СОБРАНИЕ ПРОИЗВОДИТЕЛЪОХ ХМЕЛЯ

В недзелю отримане у Новим Саду перше собрание производителей хмеля. Дас 100 делегати зос цалей жеми вжали учасц. Од страни министеріи присуствоввал начальник Др. Стойкович Вибрата стаємна управа и прияти предлог, да ше збудує модерни вельки магацин за сушене хмеля.

ОПАДОВАНЕ ШПАНЬОЛСКОЙ ХОРОТИ

У послідни часи обачує ше, же шпаньолска хорота попущує. Вона преходзи без опаснейших послідцох. Дума ше, же число хорих у прешлим тижню було найвекше.

ВЕЛЬКИ ШНІГ У ЧАРНЕЙ ГОРИ

Тих дньох, кед и при нас настало хладно, западал вельки шніг у цалей Чарней Гори а ище вше не престава. — Жителе барз застарани и боя ше гладу.

ПОВЕКШАНЕ ОСНОВНИХ ШКОЛОХ

Министер просвити виявел, же вон ма у плану повекшац число народних школах, а зменьшац число гимназийох, бо основни школи вельо потребнейши.

НЕЩЕСЦЕ ОД ЛАМПИ

У Винковцох догодзело ше нещесце дзецом Матіи Хайнтица. Хлапец Яни тримал в рх запаленей лампи а його шестра Марча долівала витрион. Але на ке-

ди зняли цилиндр вибук пламень. Марча сцекла волац сушедох а мали Яни у намирению, да спаши хижу од огня руцел лампу през облак. Лампа спадла на Марчу, котра баш у тим моменту була под облаком. Витрион ше вилял по ей шматох и дзвизче згорело у пламену.

ЗА НАПРЕДОВАНЕ ПЧОЛАРСТВА

Министерія польопривреди видала тих дньох поволанку до шицких министерийох, же би на своїх посидох садзели цо вецей медоносни рошніни, же би так пчоли нашили добру пашу, бо пчоларство ма вельку важносц у народним газдованю.

ПОРЦІЯ У ВОЙВОДИНИ

Новосадска покраинска финансійска управа уж сложила и видала исказ зос уплачених порційох за 1926 рок.

По тим исказу Войводина (гу ней прираховани и Срем) уплацела порції у 1926 року 485 805 226 дин. 64 пар. т. е. блізко пол миліярд динара.

По обласцох:

Новосадска	87.651.845.72
Суботицка	86.003.935.—
Сомборски	107.418.729.—
Бечкеречка	76 600.963 80
Панчевачка	58.903.773.02
Вуковарска	78.215.977.12

ВИСОКА ШКОЛА НА ЛАДІ

Тих дньох пришла до пристанища у Дубровнику една америцка ладя, на котрей ше находзи 400 школярох. На ладі подполна школа (универзитет) зос професорами. Вони путую коло швета и так ведно на ладі уча.

У нашом отечеству

ПОЛИТИЧЕСКЕ ПОЛОЖЕНІЕ

У парламенту започал ше претресовац дершавни предрачун за слідујуци рок. На министра польопривреди поставел вопрос посланик Лалошевич о тим, як да ше оправля насипи у Войводини. Министер Др. Куловец виявел, же за отримоване и оправку насипох як и за дальню обрану од поплави потребна сума од

88 милион. дин. И вон шицко превжал, да ше остара за потребни кредити. Радичевци придали тужбу против министра Максимовича пре насилія на послідних виберанкох. Тужбу не сцели подписац други партії опозиції, бо зос Радичем несцу робиц, бо вон нешка Максимовича тужи а на ютро го хвалі. Опозиція тей думи, же би Мак-

Читайце „Руски Новини“

Газдовство

Як ше треба старац за добре шаце?

Клуб земледілох у Р. Керестуре отримал свою схац 4 фебр., на котрей преподавал п. Йовген Макай. Вуншуме слідуєчи його думи:

Гу добре оробеней жеми треба и добре шаце да маме. Кед зме себе уж вибрали одну файту н. пр: кукурици, теди най нам будзе главна брига, да вибране зарно не препадне з рока на рок у нашей жеми, а ле да будзе вше краше. Як кажди добри газда меркув, да плод його статку будзе цо лепши и краши, таку старосц треба да маме и на нашо зарно. У слідуєчим сцем Вам приказац оплеменьоване кукурици.

Кажда здрава кукурица ма на верху чулку, а у лісцох голем одну чутку. Чулка то мушки пол, а чутка то женски пол. Зос чулки пада пращок на чутку и при власкох пойдзе гу зарну. Кельо власки ма една чутка, тельо будзе мац и зарна.

Кед сцеме мац добре зарно, теди треба перше да затримаєме оплоджене чутки од власней чулки. Оплеменьоване состоїше баш у тим, да едно добре розвите растение добие плод

од других добре розвитих растенийох.

Кед би дахто надумал племеньовац кукурицу, най роби на слідуєчи способ:

Виберце 50—100 чутки найкраши, котрим конци добре зароснути. Меркуйце, да грубши конци буду округло ороснути до пориска. Зос таким оплеменьованьом подлужице чутку и повекшає чежину зарна.

За тоту роботу виберце веднак ровну, веднак влажну и не барз гноєну жем. Тота часц вашей жеми най будзе на окремих месце, далеко од других кукурицох.

Садзиц кукурицу за оплеменьоване треба так: кельо чутки сце вибрали, до тельо шорох треба садзиц. Кед ше чулки появя, виберце плоди, котри ше лєпше закладаю и зос нїх треба отаргац чулки так, да маце еден шор през чулкох, а еден зос чулками.

Чутки оламани зос кукурицох, котрим чулки були пооламовани осуше на окремих месце. Од нїх повиберайце найлєпши за другорочне оплеменьоване, а остали похаснуйце на садзене.

Оплеменьоване захтева вельо труду од нас, але чи сце чули дагдзе о напредованю без жертвох и труда?

ШИРОМ ШВЕТА

Чехословакія

ПРИМО - ПРИДАВАНЕ ЕПАРХИИ

Дня 22 т. мешаца наш владика преосв. Діонісій придава управу епархії. Пряшевскей, зосторую управя през 4 роки свому наслідникови преосв. о.

Павлу Гойдичови новому администраторови. Наш владика за време свогоро управленя подзвігол духовни живот у епархії и прибрил вельку прихильносц и любов священства и народа. Ми ше радуєме, же наш Преосвящени враци ше ставьмо медзи нас. Вітай нам!

ФЕЛЬТОН

Житіє св. Кирила и Меѳодія

5. Константин-Кирил, як мисіонар медзи Казарами.

По пару рокох цихого монастирскогo живота поволал Господь Бог младого Константина и його старшого брата на першу векшу мисію. Святи браца послушали тото поволане Боже. Вони пошли року 885. — медзи поганьских Казарох, котри бивали у днешней України коло Чарного Моря. Там превельо добра зробели и велїх поганох покресцели.

На тей мисії сам їм Бог бул на помощи, и вони чудесним способом нашли при Херсону св. мощи Климента, Папи Римского. Св. Климент коло 100 року бул там на вигнанству пре св. виру и там прецERPел мученіческу шмерц. — Святи браца забрали зос собу тоти святи мощи и зос нїма прешли готово шицки Славянски країни и на концу їх однесли до Риму, дзе и тєраз почиваю у церкви св. Климента.

Тота перша мисія траяла до 860, року. По окончєню мисії святи браца врацели ше до Царгороду, а отамаль пошли заш до монастира.

Понеже у дальшим животу Константин-Кирил ведно роби зос своїм братом Меѳодієм, прето тєраз наведеме даскельо слова о живоче св. Меѳодія у його младосци.

6. Святи Меѳодій

И Меѳодій ше родзел, як цо и його младши брат Константин. у Солуну. Солун або по гречески Теса-

Албанія

ПРИЯТЕЛЬСТВО ЗОС ГРЕЧЕСКУ

Посланик албанскей републики у Атини и министр Греческей републики раздели ше о тим як би ше утвєрдзело приятельство медзи Албанію и Греческу на таки способ як и зос Италію.

Кина

БИТКА ПРИ ШАНГАЮ

Побунни Китайци сцели би ше вишлєбодзиц англійскей власци, котра ше вше баржей циска медзи нїх. Давдни места уж завжали а тєраз ше готую на варош Шангай. Пред Шангаєм стої 26 вонних ладьох, готових вше на битку. Од тих 10 англійских, 5 америцких, 5 японских, 4 француски и 1 таліянска.

Австрія

ШКОЛСКЕ ПРАЦОВАНЕ

Организация австрийских католикох видала тих днєох извештай о своїм працованю. Зос нього видзиме, же при школскей организациї участвовало 170 родительских християнских дружтвох. През рок отримано 2000 собранійох. Число католических (не лєм по кресценім писаню) але и по работи учительох виношує 8000.

Америка

ДОБРА КАЗАНЬ

Еден америцки наказательник так наказовал: „Дайце ми тот пенєж, цо го Америка пожичела и потрошела за свитову войну и я купим шицки жеми, котри на кулі жемскей на предай. Облечем каждого хлопа, жену и дзецко так ро-

скошно як ше облекаю краљове. Збудуєм школу на каждим брегу и ровніни. У каждим варошу оснуєм гимназію а у каждей держави универзу зос найлєпшима професорами. У каждим владичєству збудуєм по одну церкву во чєсц Богу мира и священником ушорим їх заслуженє отримоване. Повєдєме ми, чи би не бул пенєж мудрейше утрошєни як за войну, котра нам принєсла смєрт, инвалидох, мержню, роскош и нашенє будущей ище страшнейшей войны.

Немецка

ДОБРИ НОВИНИ

Учени владика Кеплер написал 1926 року у своєм посланію о днешних новинах и тоти слова:

Ми вельо бєшєдуєме о сили новинах. Кед то гуторимє, не мушимє теди думац лєм на вельки новини. И мали новини маю вельку свою вредносц и силу. Их влив баржей и глїбше заходзи до живота народногo и повединих людзох. — Недобри новинки видихаю як гноїско з дня на дзєнь своєю погубнє випарованє през цали тоти мєста, дзе ше читаю. — Добри новинки видаваю, як красни млади лєси, чисти въздух, котри оживлює, обчєрствувє народни живот, особєно теди, кед вони писани у набожєнским духу.

Красни слова велького немецкого владика. Тот человек позна борбу, яку провадза Немци католици з Немцима протестантами и безвирцами. Тот владика вельо и вельо робел при организациїох свогоро народу и зна, кельо там помагали и помагаю добри християнски новинки. Нєшка патри цали швєт на немецки народ и шицки почитую немецки организаци и немецку роботу.

Почитуйме и ми своєю Руски

лонике — було славне место старого греческого царства. У тим месту наказовал сам Апостол Павел. Вон написал и два посланія Солуняном, котри и тєраз читаєме у церкви.

Оцєц святих братох волає ше Лев, а мац Марія. Родителє були богобойни, а так виховали и своєю дзеци у страху Божим.

Меѳодій од своєй младосци бул барз почитовани пре своєю ученосц и добре шерцо. По прикладу отца ступел и вон по оконченю своїх наукох до царскей служби. Бул намистником едней славянскей покраїни у Македонії.

Там скоро спознал, же його Бог вола на висшу службу. Он прето напушел свитску службу и пошол до монастира на гори Олимп у Малєй Асии. Три верхи тей гори (висока дас 2500 метри) мож видзиц з Царгороду, кед красна хвиля. Тота ше гора и тєраз ище вола „Монашеска гора“. Ту Меѳодій пошвєцел свой живот виключней служби Божєй. У тим монастире остали св. Меѳодій, док го не поволал глас Божій, да идзе зос братом Константином на першу мисію медзи поганьских Казарох. Окрем Казарох ишли святи браца на мисии и гу другим народом. З мисіюх вше ше врацали до монастира, да ше далєй готую ище на векшу мисію, яка їх чекала медзи Славянами!

7. Св. Кирил и Меѳодій путую до Моравии

Року 862. по народзєню Христовим вибила тота щєшлива годзина, кед премилостиви и премилосєрдни Бог попатрел и на Славянски народи. „Премилостиви и предобри Бог жада, да ше шицки людзе спашу. Прето Бог посилал людскому роду пророкох на по-

ни! Кажди най іх помагалем зна дацо добре, най е! Най ше зос шицких нох чує глас наших лю, як жію, як напредую, цо олі, як да ше ім поможе. — будзе знами, лем служме и ширме царство Боже.

УСІЯ

ЛО ЖИТЕЛЬОХ

Советской Росії (котра із о вельо менша як цо і царска Росія, бо з ній одорвали вецей менши дер-и) у послїднім времену чибивательох барз ше пошало.

року 1897 на тей теритожило 104 миліони людзох

и по найновшей статистици тераз — после 30 рокох — их ест 143,500,000, дакле о 39 и пол миліона, т.е. о 30% вецей.

Правда, же на истей територии уж у 1914 року число народа було 135 и пол миліона але од початку шветской войны до 1922 року, док ше там прилики консолидирали, война, революція, штреляня, глад, емиграція однешли с тей територии 40 миліони народа, але од 1920 року до тераз ипак по-векшало ше число народа о 12 миліони.

Множене руского народа показує вельку способносц за будущи живот. Кед ше там прийде до порятку, неминовно нагло ше розвіє и напредоване опщей культури.

Зос наших валалох

Руски Керестур

МЕСЕЛНИЦКЕ УДРУЖЕНЄ

16. фебруара т. р. отрию свою рочну забаву (л) у гостинцу гдови гефана Гарди. Украшена електрично богато ошвина велька сала преполна була з госцами. Найцей було ремеселникох, и у вельким числу була ступльна и месна интегенция и земледїлци, бо меселницки забави зос ою слогу и добрим уредьом вше прицаговали блику.

Того року участвовали забави вельо вецей як други раз и наймладши меселници зос младима чинами, старши зос фамелими (с калфами, с дзивми), цо очевидно дало бави живши, веселши и

приятни фамелиарно сложни карактер.

На забави зос пару краснима писнями ше представело и нове шпивацке друштво, котре баш лем пред пару днями ше основало у кругу ремеселникох и почало свойо дїйствіє. Його програм бул кратки але ипак прїятни и возбуждел надїю на свою будучносц.

Ремеселници як цо други раз, так и тераз свою забаву скопчили зос культурним дїлом, словом прїятносц зос корисцу. 50% чистого добитку своей забави жертвовали на добротворну цилю, на фонд „Руски Новини“, с чим доказую, же „Р. Н.“ маю вельку вредносц у друштвенной жизни руского народа и же заслужни, да ше Руси-

ни у каждим случаю здогадаме на нїих.

Чистого добитку було 451 дин., односно фонд „Руски Новини“ добил 225 динари.

У корист добротворней цели при плаценю уступници даровали слїдующи: Филип Радвані месар 50.— Милан Войнович новтаруш 42.— Василий Мизекевич чиновник 32.— Др Андри Наливайко 22.— Ефрем Колесар 18.— Дюра Манайлов пен. учитель, Дюра Макаи, гдова Андрийова Шанта, Митро Салаг, Евгений Могущи чиновник по 12.— Михал Чизмар, Штефан Няради, Дионис Пап по 10.— Денчи Паланчай ковач, М. Поливка, Йовген Колбас, Михал Колошняї, Грицо Киш, Самуил Вайс, Йовген Виславски, Яким Папуга, Микола Майхер, Кирил Фа, Душан Чизмар по 8.— Иринка Микловш 6.— Михал Ерделї 4.— Вигелм Файбел 3.— Йанко Будински, Габор Планчак, Андор Райтер, Кирил Шовш, Наталия Джуња учителька, Габор Пашов, Осиф Рац и Дюра Бобик по 2 динари, за цо забавни одбор изьявлює свое благодареніє.

ЛУТРИЯ

Цагане державней класней лутрии 13 кола III класи будзе ше отримовац 7. марта т. р. Р. Керестурска каса поволує шицких, хтори од ней лози купели, за I и II класу найих поновя до конца меша-

ца фебруара за III класу. Котри ше у II класи не бавели а сцу искорисциц за першу класу уплацену суму, за III класу можу добиц свойо лози кед заплаца лем вредносц II и III класи.

У трецей класи два най-векши добитки буду вицагнути по 500.000 динари.

† Янко Шовш

Дня 16. фебруара на дзен Богопримца Симеона — придал свою бесмертну душу Неб. Царю на 3 годз по полноци ч. г. Янко Шовш церков. одборник у 50 роки живота свойого.

Покойни ше напател як войн у швецкей войны — превельо, и там задобил клицу хороти.

Бул трудолюбиви параст, и змагал ше крашне, а ведно бул богобойни християн и тварди Русин. Охабя за собу супругу и розжалєни чада и унуки.

Вичная ему памят!!

Коцур

Коцурска Земледїлска Читальня будзе давац у Чобановой карчми 27. фебруара 1927 року Касинску забаву, зос слїдующим програмом: 1. Привит п. председатєля читални. 2. Державна химна (шпива хор). 3. Преподаваніє п. Г. Терзина об. ш. надз. 4. У бої! (шпива хор). 5. О. † Йовану Храниловичу (пр. п. В. Поляк). 6. Бродар на узбурканом мору. 7. Исто-

столох. Так послал Бог и Славянским народом двох апостолох, а то були Кирил и Меѳодїй, котри прошвицели Славянох и научели їх да ходза по свитлосци заповидох Божих“. З такима словами започиню стари животописи Славянски описовац житіє св. Кирила и Меѳодїя.

Господь Бог избрал себе у Моравии княза Рагислава. Тот княз послал свойо посланьство до Царгороду, да там гледаю мисіонарох, котри би знали славянски язык. Господь Бог на ту роботу уж здавна приготавлил своих избраних, Кирила и Меѳодїя. И кед у Царгороду гледали за тоту мисію мисіонарох, не могли лепших найсц, як цо були святи браца. Святи Кирил и Меѳодїи жили щешливо, и „радовали ше у Господу“ у манастирскей цишини. Але не могли одбнц прозбу Славянох з Моравии, бо их душа горела од любви гу Богу и блїжньому. Св. Кирил гуторел: „Я утрудзени и слаби, але на такую роботу идзем“. И пуццели ше перши славянски мисіонаре у Царгороду до Моравии концом 862 року.

8. Св. Кирил и Меѳодїй у Моравии

У першей половки 863. року у маю або юнію ступели ноги святих славянских мисіонарох, Кирила и Меѳодїя, на красну жем Моравии. Путовали вони през днешню Мадярску, дзе у тим часу бивали Славяне, през днешню Словацку, а бизовно же на своей драги видзели и наших прадїдох — Подкарпатских Русиных.

Зос собу вони ношели святи мощи Папи Климентя, да по його отвитованю вимодля цо вецей Божого благословенія пре свою мисію медзи Славянами. Принесли зос соби и превод недзельних и пра-

здничних апостолох и евангелїюх на славянским языку. Не треба напоминац, як радостно, зос слизами радосци, дочекал княз Рагислав и його добри народ нових славянских мисіонарох. Святи Кирил и Меѳодїй дораз отворели семинарию за виховане славянских мисіонарох. Крем того преводзели на славянски язык Святе Писмо и богослужбени кнїжки. Як мисіонари ходзели наоколо по местох и валалох и поучовали народ у правдох Божих на чистим и милим славянским языку. Они вшадзи розгонели цемноту поганьства, а поганьски заблуди и обичаї одстраньовали. Народ їх радо слухал, бо такую науку вище нїгда не чул. Людзе од радосци плакали, кед чули бешеду на своїм мацериньским языку. Свята ревносц апостолских мисіонарох распальовала людзох на живот по християнскей вири. — Главне место, дзе пребивали мисіонари и одкаль виходзели на свойо мисію, бул Велеград.

Чежки були теди политични обставини у Моравии. Немци прицискали Моравлянох. Немцом не було право, кед видзели, як робя святи славянски апостоли. Вони ше бали, же ше Моравия вирве зпод их власци. И не треба ше прето чудовац, же Немци на каждим крочаю робели найвекши неспрїємносци сватому Кирилу и Меѳодїю.

Ученїки у семинарии добре ше учили. Приходзел час, же було потребно пошвениц их на діяконох и священїкох. А хто то годзен зробиц! Ту було потребно достац позволенє з Риму од найвисшей церковней власци и прето святи Славянски Апостоли мушели пойсц до намистника Христоваго, Папи Римского.

рія Русиных (пр. п. Дю. Биндас). 8. Заповит. Реве та стохне (хор). — Павза — 9. Одби се грана. Чије ли су тарабе. 10. У лову. Кудејар (шпива хор). 11. Я Русин бил (хор). Писні шпива месни хор Народного Просвищованя. Початок точно у 7 час вечар. Доброволни прилоги приму ше дзечне. Управа.

Зос Р. Н. П. Д.

Ремеселско Дружтво у Р. Керестуре даровало Р. Н. П. Д. зос приходу т. р. явней забави у гост. Миколи Пануга — 225 д.

Най ше упатра и други нашо дружтва на тот народни приклад.

Швечочни отпочивок

Недз. мясопустна
ЕВАНГ. МАӨ. 25. ЗАЧ. 106.

Рече господь: егда придет Сынъ человеческий въ славѣ своей и вси святїи Анггели съ нимъ: тогда сядетъ на престолѣ славы своей. И соберутся предъ нимъ вси языци: и разлучитъ ихъ другъ от друга, якоже пастыръ разлучаетъ овцы от козліщъ. И поставитъ овцы одесную себе, а козлища ошуюю. Тогда речетъ Царь сущимъ одесную его: придите, благословенїи Отца моего, наследуйте уготованное вамъ царствїе от сложенїя мїра. Взалкахся бо, и дасте ми ясти: возжадахся, и напоисте мя: страненъ бѣхъ, и введосте мене: Нагъ, и одѣясте мя; боленъ, и посѣтисте мене: въ темницѣ бѣхъ, и придосте ко мнѣ. Тогда отвѣщаютъ ему праведници, глаголюще: Господи, когда ты видѣхомъ алчуща, и напихомъ; или жаждуща, и напоихом; когда же ты видѣхомъ странна, и введохомъ; или нага, и одѣяхомъ; когда же ты видѣхомъ боляща, или въ темницѣ, и приходомъ къ тебѣ; и отвѣщавъ Царь речетъ имъ: аминъ глаголю вамъ, понеже сотвористе единому сихъ братїи моихъ меншихъ, мнѣ сотвористе. Тогда речетъ и сущимъ ошуюю его: идите от мене проклятїи во огнь вѣчный, уготованный дяволу и ангеломъ его. Взалкахся бо, и не дасте ми ясти: возжадахся и не напоисте мене: Страненъ бѣхъ, и не введосте мене: нагъ, и не одѣясте мене: боленъ и въ темницѣ и не посѣтисте мене. Тогда отвѣщаютъ ему и тїи, глаголюще: Господи, когда ты видѣхомъ алчуща, и жаждуща, или странна, или нага, или больна, или въ темницѣ, и не послужихомъ тебѣ; Тогда отвѣщаетъ имъ, Глаголя: Аминъ глаголю вамъ: понеже не сотвористе единому сихъ меншихъ, ни мнѣ сотвористе

И идутъ сїи въ муку вѣчную: праведници же въ животъ вѣчный.

Тераз, на тим швече, збера людзох, дзечи божїю, Церква Христова до громади. Вона ма свойо святїи места, храми божїи, дзе ше людзе збераю на молитву и на жертву. Превельке в число людзох, котрих збера Мати Церква до свойх храмах на молитву и славу божїю. Но медзитим душами — на жалъ — цо ходза до церкви на молитву, як нам нознато, не шицки су избрани дзечи божїю, бо велї лем звонка признаваю закон божїи, а у шерцу немаю вири, любви и упованїя божїаго. Вони су лем фарисей, а не прави дзечи божїю. Прето Христос сцел да собере на концу швета шицких людзох ище раз до громади, да ше укаже, хтори су прави дзечи божїю, а хтори не. Прето одредзел страшни суд на концу швета, да ше розлуча прави и криви.

Док ше то не стане збераме ше ми до наших церквох и там сцеме осигурац нашо спасене зос молитву и покаїнем. То добро робиме, бо Исус гварел: „Идїже два, или три во имя мов собрани, ту есм аз просредї их.“ Воля в божїа, да го людзе взаємно, собрани на святїих местох, слава. То зме видзели у толкованю прешлих недзельох. Причина е тому тот:

Як цо кажда гвизда на небе сама за себе швици и розвешелюе шерца нашо окремно, так и ми треба да розвешелюеме Оца нашого на небе кажди окреме за себе зос свою виру, любовию и упованїем.

Но як цо шицки гвизди заш совокупно розшвициую швет, так мушиме и ми, разумни створеня, совокупно славиц Бога Оца нашого.

А дзе то можеме робиц? То можеме лем у церквох наших. Там ше при службох божїих зиходза людзе божїи у вельким числу, там ше кланяю, там шпиваю божїи писні, там приноша жертву, там ше каю там примаю тіло и крив Господню, там ше радую и там плачу.

О, як крашне патриц и слушац, кед так на од христїански собрани у церкви служи службу божїю и шпива едним шерцом, едним гласом, громогласно писні божїи? Яка то красота, яка то милина!

Завидза нам тоти, цо не ходза до церкви и гледаю у иншких парадох виказац шерца свойо, але дармо. Дац радосц души, мож лем у церкви, дзе зме шицки собрани у мену Го-

споднім, як избрани божїи, и як синове будущей радосци.

На остатнім чикажким ехаристийским конгресу було собрано на служби божїей вецей як милион душох. О, яка то слава Богу и яка радосц людзом!

Кед будземе даклем тераз ходзиц до церкви, чистим шерцом и смиреносцу, теди ше не бойме, же и нас Исус на страшним судзе одруци на лїву страну, бо зме його сцели буц и його сцеме остац.

Мих. Мудри

Нашо претплатници

На 1927 рок обновели претплату слїдуюци п. п. Петро Колесар, гостилн, Коцур 100 д. Петро Харди, Р. Крстур 100 д. Михаил Папуга, Р. Крстур, гостилн 100 д. Дюра Паплацко Р. Керестур 100 д. Петар Станич, викар, Крижевци 100. Дюра Рамач, учитель — Беркасово 100 д. Михаил Блацак, Ср. Митровица 100 д. Янко Колода, Беркасово, П. Шид 100 д. Ремеселске Друш-

тво, Р. К. 100 д. Гербут Янко, Р. К. 100 д. Михаил Планчак, Р. К. 50 д. Янко Джуджар Р. К. 50 д. Ефрем Гаднянски Р. К. 50 д. Др. Мил. Попович, Н. Врбас 100 д. Михал Кухар, Коцур 100 д. Дюра Олар, Коцур 100 д. Михал Корпаш, Дюрдьов 50 д. Стефан Мункачи, Дюрдьов 50 д. Янко Кираль Дюрдьов 50 д. Денчи Сабадош, Дюрдьов 50 д. Василь Корпаш Дюрдьов 100 д. Михал Хорняк Дюрдьов 50 д. Ефрем Яким, Коцур 100 д. Янко Виславски, Брчко 50 д. Дюра Мудри, Петровци 100 д.

Тарговина

Жито	305.— Д
Кукурица	126.— „
Хмель	10—11.000 „
Мука нулерова	426.— „
„ хлѣбова	420.— „
Млеко литра	3—4.— „
Качки	35—60.— „
Гуски клюкани кг.	65—90.— „
Говедзина	16 20.— „
Швиньске месо	20—22.— „
Целчина	28—30.— „
Сланїна сушена	22—25.— „

Мед. Др. МИЛАН ПОПОВИЧ,
лікар у Новим Вербасу

препатруе хорих зос


РЕНТГЕНОВУ МАШИНУ

и лічи зос

РЕНТГЕНОВИМ ЗАРЯМИ.

Исто так лічи зос

диятермию и кварц-зарями.



Jugoslavija Express Agencija, A. D.

ZAGREB, Trg I. br. 15.

Главне заступство за Краљовину СХС. пароброд. друштвох:
Cunard Line - Red Star Line - White Star Line - Koniklijke Nederlandsche Lloyd.

Директни превоз путуюцих до СИБЕРНЕЙ АМЕРИКИ, КАНАДИ, ЮЖНЕЙ АМЕРИКИ (Бразилиї, Аргентини), АУСТРАЛИИ и шицких других преїгморских крайох зос найвекшима и найшвидшима шифами швета.

Шицки упутства дава найприправнейше и бесплатно:

Главне заступство у ЗАГРЕБУ, Трг I. бр. 15. и подзаступства: НОВИ САД, СУБОТИЦА, СОМБОР, ВЕЛИКИ БЕЧКЕРЕК.